

傷寒論述義

何氏醫學叢書三種

傷寒論述義

杜就田



斟酌古今
貫中西
自歸老
越州楚

康臣妹倩山仲春
以有翁命題署作
心言韵语以症
時互

中華民國六年仲秋
月姻愚弟嚴健春
敬題時年七十有



何廉臣先生遺像

寧壽清月
畫
米
囚

周文郁題



溫故知新

引經據典

衷中參西

光前裕後

幼廉仁兄有道

弟周文郁敬題



何廉先生小像

增訂 傷寒百證歌註

每冊四本定價

中紙二元四角
洋紙壹元八角

傷寒論識

每冊六本定價

中紙二元四角
洋紙壹元八角

新增 傷寒廣要

每冊六本定價

中紙二元四角
洋紙壹元八角

傷寒論述義

每冊二本定價

中紙壹元
洋紙七角

通俗傷寒論

印刷中

增批 溫病條辨

後附歌括

每冊五本定價

中紙二元
洋紙壹元四角

感症寶筏

每冊八本實價

連史二元四角
洋紙一元六角

重訂 廣溫熱論

每冊六本實價洋紙一元六角

何廉臣先生傳

吾越何先生廉臣。以醫學聞世。羣推秦斗。己巳八月。先生壽終。喆嗣幼。廉筱廉具事略。請爲之傳。以恕之不文。於醫學未窺門徑。何足以傳君。第夙聞緒論。兼有一日之知。故不敢以固陋辭。先生諱炳元。別字印巖。以字行。行醫幾五十年。浙東西婦孺無不知有何先生者。烏乎。學術道藝深邃如君。可謂名副其實矣。君壯歲成諸生。鄉試兩膺鶚薦。以微瑕見屏。遂專力於醫。初師仲聖。覃精古方。仡仡窮年。不以爲苦。既多心得。更旁及劉李四家。嗣從樊君開周數。臨證診斷。益變化通神。於葉香巖王潛齋輩專集。致力尤深。攷覈。揅索。洞其精要。診治有得。經諭益閎。而著述益富矣。先生生平雅不欲以術鳴。日惟孳孳於學。其著作傳世。瑩瑩大者如鑑定

傷寒論識。增訂傷寒百證歌註。新增傷寒廣要。鑒定傷寒論述義。新纂兒科診斷學。新醫宗必讀。（當代民國偉人蔡元培君爲之序。）增訂時病論。何氏醫論。內科通論。增訂溫病條辨。增訂醫醫病書。溫病辨正。勘病要訣。實驗藥物學。濕溫時疫治療法。紹興醫學會課藝。總編紹興醫藥學報。暨改組名月報。警察所主考醫生試草。喉痧白喉證治全書。梁氏辨舌要略。及醫學答問。任氏醫學心源。總纂全國名醫驗案類編。何氏醫學妙諦。通俗傷寒論。廉臣醫案。印巖醫話等書。其間或撰著。或編述。或增訂。或參註。或選評。或鑒定。或校勘。或纂輯。皆損益羣言。斟酌至當。而先流行社會者。若感症寶筏。廣溫熱論。葉氏吳氏醫案。按皆引掖後起。有裨醫術。至恕所心折者。莫如通俗傷寒論。是書秉承家學根柢。諸家於溫。

熱傷寒。溝通一貫。而君則一生服膺葉氏。師其道。宗其術。而又通變。宣氏洵爲獨具微尙矣。讀君之醫案醫話。知世以輕清立方者。更不可同年語也。嗟乎。君旣逝矣。而世之讀君書者。疇能如君之方智圓神貫。西合中融。古今於一。鑪起死。生於俄頃哉。昔龍門傳扁鵲。備述方案。後世以爲知言。君之賢嗣。能世其業。於醫術更能發明光大之。其事略述先生治諡甚詳。固無容恕之贅言。特以遺箸等身。未刊布者。當亦不尠。排纂整理。亟待後人。使君之一生學術經驗。均有統系。不至散漫無歸。如航海者。不知所棲泊。則君之精神爲不死矣。君生於咸豐庚申。歿於民國己巳。春秋七十。娶夫人嚴氏。以內助稱賢。今年春葬謝墅鄭家山牛羊崗之原。

予爲之論曰。學醫人費。世之人略誦靈蘭。未窺金匱。輒欲懸壺。若

先生者終其身。在醫海中。未嘗以術自高。而日以學自勵。香巖洄溪。天姿卓然。高風邈矣。如吳淮陰。惟知宗尙葉氏。而識力不閤。時見批繆先生。能祖而匡正之。博而能精。並世醫界中。如先生者。有幾人哉。實茂聲宏。宜賢子之昌大其業。不徒能讀父書也。予於香巖。潛齋。洄溪。鞠通。諸家。均輯有小傳。鈎提玄要。而於君之學。飲海一勺。無能窮其涯涘。博大閎深。覺有清一代浙派諸家。皆侔乎後矣。

庚午仲冬素藏王恕常拜手謹撰

何廉臣先生事略

何君諱炳元。字廉臣。別署印巖。浙江紹興縣籍。自幼攻舉子業。早博青衿。而鄉試兩薦不售。遂專習醫學。先與沈蘭垞嚴繼春沈雲臣三君講習古醫學說。約三年。漸通軒岐經旨。仲景方義。繼從名醫樊開周臨證三年。始知症候之傳變。療法之活潑。初君篤守古方。意在尊經。樊君則謂傳世與行世迥異。江浙濱海停江。地土原濕。先賢發明療治濕燥溫暑諸法之實驗。不可偏廢。君方兼攷明清各家學說。出以問世。效者固多。猶有不效者。乃決計出遊訪道。集思廣益。寓蘇垣僅一年。居滬江者三年。每遇名醫。輒相討論。類皆云陰陽升降。五行生剋。運氣流行諸玄說。卽侈然自足。而於切實調治之方法。精確不磨之學理。十無一二。益嘆祖國之明醫何

其寥落若晨星耶。乃多購泰西譯本。悉心研究。復令哲嗣幼廉。從東西醫遊。飽飫新知。折衷舊學。在郡垣懸壺行道四十餘年。實地經驗。兩相比較。始知西醫學之未必皆可取。中醫學之未必盡可棄也。歷任紹興醫學會長。清季首創紹興醫藥學報。前後出八十餘期。民十紹興縣警察所長考試中醫。君被舉爲主試。遴選真才。羣慶明允。備載試藝選刊。生平著作。內斟古今。外參東西。所著有濕溫時疫治療法。內經存真。全體總論。內科通論。何氏醫論。實驗藥物學。藥學粹言。藥學彙講。肺癆彙辯。新醫宗必讀。中風新詮。痛風新詮。內科證治全書。婦科學粹。勘病要訣。新方歌訣。續古今醫案按。葉天士醫案按。吳鞠通醫案按。兒科診斷學。廉臣醫案。印巖醫話。傷寒論識。傷寒百證歌註。新增傷寒廣要。傷寒論述義等。復

將先賢遺著參訂行世。則有重訂感症寶筏。（卽吳坤安傷寒指掌）重訂廣溫熱論。（原係戴北山廣瘟疫論。經陸九芝刪潤而定今名。）先是君祖秀山公。選按俞根初氏通俗傷寒論。君復校勘而梓行之。餘如吳鞠通醫醫病書。何書田醫學妙諦。均加校增付刊。輒近總纂全國名醫驗案類編。已風行海內矣。君生於咸豐庚申十二月二十日。卒於民國己巳八月十二日。春秋七十。哲嗣幼廉。筱廉。篤學精詣。能傳其業。後學不敏。讀先生著述有年。情殷私淑。謹採書報。據成事實。俾後之編中國醫學史。暨修浙省縣志者。得以採擇焉。

庚午孟夏後學無錫周鎮小農拜手謹撰於惜分陰軒

傷寒論述義

緒言

傷寒爲百病之總名。傷寒論乃治百病之樞要。長沙作此書。悉宗內經。惟深文奧義。難於推求。錯簡缺文。更滋疑義。醫家謂傷寒難讀者。此也。自漢迄清。註家不下千百。然皆未能洞明蘊奧。闡發精微。或略而不詳。或煩而無紀。如一般散沙。毫無系統。且各憑私見。愈求愈晦。致令學者無徑可尋。望洋思阻。千年闇室。不見一鐙。深可憫焉。余家搜藏載籍甚多。凡註釋傷寒論者。幾於無書不備。久思薈萃羣言。纂成一集。爲後學階梯。乃頻年診務匆忙。刻無暇晷。遲之又久。始有通俗傷寒論之輯。是書爲先祖秀山公手訂。詮解詳明。引證繁博。提綱

挈領曲暢旁通。洵足爲學者之準繩。作醫師之指導。其緊要處。又與社友周君越銘編成歌訣。便於記誦。讀者能從此書力求進步。其於傷寒一道。庶不致茫無頭緒矣。上中數卷。已於紹興醫報大增刊中。陸續登出。惟下卷論夾證。尙付缺如。海內醫士。以未窺全豹。每有馳書致問者。蓋學識與年而俱進。前之所言。自後觀之。往往有不甚愜心之處。因思重加修訂。期於完善。故此後遂不復登。非中止也。今已改編完竣。全書即可出版。予願稍慰矣。而各種書籍。予既得之。何敢自私。亦擬擇尤刊佈。以廣流傳。如許學士叔微之傷寒百證歌註。日本丹波元堅之傷寒廣要。淺田栗園之傷寒論識。皆已增訂發刊。惟傷寒論述義。此書亦丹波元堅所著。丹波氏爲日本漢醫學大家。語多精確。能發前人所未發。余通俗傷寒論中。間引其說。是書尙待校讎。今年入春以來。體日衰。懶於握管。爰命兒子拯華。幼廉。

詳加攷覈。一併付印。以竟予未竟之志。嗟乎。中西激戰。國粹將亡。前緒茫茫。狂瀾孰挽。所以朝斯夕斯。歷數十年。如一日。亦思闡揚舊學。啓迪後人。俾仲聖淵源。得以不墜。斯則予生平之苦志也。是爲序。
民國十八年夏歷四月望。越中老朽何廉臣印巖氏識於紹興臥龍山麓之宣化坊。